



22. kantonalno Saobraćajno obrazovno takmičenje učenika osnovnih škola Srebrenik 2018



Poslije dužeg vremena završno kantonalno takmičenje učenika osnovnih škola u saobraćajnoj kulturi održano je u Srebreniku, ovoga puta u suorganizaciji sa Osnovnom školom iz Rapatnice. Uspješnoj organizaciji doprinijela je i činjenica da je takmičenje održano u sportskoj dvorani čime je nastavljen standard u organizaciji završih saobraćajno obrazovnih takmičenja, jer se na ovaj način osim na kvalitetu takmičenja, dobilo i na atraktivnosti jer su se sve

takmičarske discipline odvijale u dvorani.

Na kantonalno takmičenje učešće su uzele 27 škola i to 22 djevojčice i 17 dječaka, dok ekipe dvije osnovne škole nisu pristupile. Nažalost na štetu plasiranih takmičara koji su na opštinskim takmičenjima imali zavidne rezultate. Poslije uspješno obavljenog testiranja u dalji krug takmičenja, na praktičnu vožnju plasiralo se 14 dječaka i deset djevojčica. Kao i svake godine postignut je zavidan

rezultat jer tri takmičara i dvije takmičarke postigli su maksimalan broj bodova i plasman je postignut vožnjom "puža". Prvo mjesto u klasi dječaka osvojio je Said Vikalo iz Rapatnice dok su drugi i treći bili učenici iz Podorašja Belmin Hodžić i Nedim Silajdžić. Na državno takmičenje još su se plasirali kao četvrti Ensar Buljubašić iz Džakula i Emir Džandžić iz OŠ Musa Čazim Čatić (Gradačac). Među djevojčicama prva je bila Adna Hodžić iz Rapatnice ispred Amine Đedović iz iste škole. Treća je bila Dželila Halilčević iz Malića. Na državno takmičenje još su se plasirali Mejrem Hurić iz Kladnja koja je bila četvrta i Azra Bećirević iz Tuzle (Pasci) koja je bila peta. Najbolja škola je OŠ Raptnica (Srebrenik) ispred OŠ Podorašje (Srebrenik) i OŠ Malešići (Gračnica).



22. Saobraćajno obrazovno takmičenje učenika osnovnih škola BiH Visoko 2018

Ovogodišnje državno saobraćajno obrazovno takmičenje održano je u Visokom u organizaciji BIHAMK-a, što je ujedno i garantovalo kvalitetnu organizaciju. U veoma snažnoj konkurenciji od 28 takmičara i 30 takmičarki ekipu Tuzamk-a činili su pobjednici kantonalnog takmičenja Adna Hodžić, Ami-

na Đedović, Dželila Halilčević, Merjem Hurić, Azra Bećirević, Said Vikalo, Belmin Hodžić, Nermin Sijajdžić, Ensar Buljubašić i Emir Džandžić, te Amir Bešlagić kao vođa ekipe i Fuad Kavazović kao trener. Ženski dio ekipe predvodila je Aleksandra Stipanović, profesor tehničkog odgoja iz Tuzle.



Dosta kompaktna ekipa Tuzlanskog kantona postigla je i značajan rezultat, te se 5 takmičara, odnosno tri djevojčice i dva dječaka plasiralo u baraž za određivanje ekipe BIHAMK-a za Evropsko takmičenje. Said Vikalo sa 24 negativna poena osvojio je prvo mjesto u BiH, dok je Belmin Hodžić zauzeo treće mjesto sa 31 negativnim poenom. U klasi djevojčica ekipa je zauzela pozicije od trećeg do petog mjesta i to Mejrem Hurić bila je treća sa 31 negativnim poenom, Amina Đedo-

vić četvrta sa 33 negativna poena i Azra Bećirović peta sa 34 negativna poena.

I ovogodišnje takmičenje po načinu organizacije još jednom je potvrdilo opredjeljenje BIHAMK-a da ova takmičenja postanu mjesta druženja i takmičenja promovišući komponentu u kojem takmičarski dio nije u prvom planu, nego prvenstveno druženje. Ipak, ostvareni rezultat naše ekipe je za svaku pohvalu, i nastavak je tradicije postizanja izuzetnih rezultata.



Trening karting ekipe Tuzamk-a



Karting sekcija Tuzamk-a, u cilju određivanja takmičarskog dijela ekipe, održala je karting trening na parkingu Panonica 1, a između ostalog cilj je i bio promocija kluba na medijima. Ovu inicijativu pokrenula je lokalna gradska radio televizija RTV 7. Karting ekipa Tuzamk-a pored Karting kupa Bingo kojeg organizuje već pet godina zaredom, takođe je i pobjednik u Šampionatu BiH za 2017 godinu, a i ove godine ubjedljivo je najbolji klub u Bosni i Hercegovini na držav-

nom nivou u Karting sportu, a pojedini članovi Kluba već su verificovali svoje prošlogodišnje titule.

Tuzamk Tuzla je unazad 12 godina najaktivniji karting klub u BiH i ima najviše osvojenih

pobjeda u generalnom plasmanu Šampionata BiH.

Trenutno u klubu ima oko 15 aktivnih vozača kartinga i svakim danom zainteresovanost je sve veća. Samo na trening se prijavilo pet novih vozača koji moraju proći teoretsku i praktičnu obuku kako bi nastupali na zvaničnim Karting trkama. Vrijedno je napomenuti da je danas učlanjen i najmlađi takmičar koji ima svega pet i po godina, a na stazi se pokazao kao vrstan vozač.



**PRESS RELEASE UDRUŽENJA GRAĐANA TUZAMK TUZLA. TEKSTOVE I
FOTOGRAFIJE URADILI ČLANOVI SEKCIJA UDRUŽENJA.
ŠTAMPA : SORELI TUZLA**